


مکتبہ دارالتحقیق

ادبی و سیاسی رسالہ اسبوعیہ در

۳۰ نجی سنہ



۲۲ شعبان المعظم ۱۳۲۹

پچھنہ

جزو عدد : ۱۰۹

آسان دكل سياست چكك گرك جفا سن
بولدر ؛ بو بولده آدم البته راحت اولماز

پارسدن چكبلوب كچن جمعه كوني (علمدار) غزته سنده نشر اولسان
بر تلغرافنامه ده شوقى بك نامنده برينك بابان زاده حقى بكى توقاتليه رق دوللو به
دعوت ايلديكى بيلدير يلدوردى .

بازار كونكى طنين غزته سى دخى پارس مختارندن آلدیغى بر تلغرافنامه به
عطفاً وقعه نك (اوپه را) دن جيقلدیغى صروده وقوع بولدیغى و بر شخص مجهولك ،
اسماعيل حقى بكه تقريله : بابان زاده حقى بكك كندیغى اولوب اولمديغى بالذات
صوروب آكلامسى اوزرينه طوقات اورمش و حقى بكك ده بالمقابله النده كى باستونى
متجاوزك قفاسنه اينديرمش و ضربتهك شدتدن باستون قيرلديغى كى، شخص متجاوزك
قفاسى ده زده لشمش اولديغى و حقى بكه دوللو تكليفنده بولشمش ايسه ده حقى
بكك « سنك كى حبسه محكوم سىرسى بر رزيل ايله دوللو ايتك بىم ايچون اك
بيوك بر تزلدر . » ديه مقابله ايلش بولديغى اعلان ايلشدر .

تمه حادثه اولق اوزرده متجاوزك فرانسه دن طردى ايچون پارس سفارتك
فرانسه حكومتى نزدنده تشبثنده بولديغى علاوه بيان ايتمشدر .
طنين ، بو اخبار وايضا حاتدن ماعدا برده معترضه آره سنده مطالعه آتیه ي
درميان ايلور :

(بوراده شوراسنى سويليم كه دوللو بر طاقم شرائطه تابعدر . بو شرائطى
تعين ايدن دوللو نظاماتى (؟) موجبجه هيچ بر زمان نه صورتله اولورسه اولسون
محكوم بولان بر آدم محروم حيثيت عد اولديغى ايچون ناموسلى بر آدمه دوللو
تكليف ايدمه جيكي ، ناموس و حيثيته معروف بولان بر ذات ده بويه بر شخص ايله
دوللو به راضى اولورسه كندى شرف و حيثيتى اخلاص ايتمش عد اولور .)
ممالك متمدنهك ، خصوصاً مشروطيته اداره اولسان مملكتك كاهه سنده
جرائم سياسيه اربابى مظهر قبول و حرمت اولمقدردر . كرك تك بر آدم اولسون .

و كرك متحدا لاجتہاد قرق اللى كشيدن عبارت بولنسون، كندى و طنلرنده ايقاع ايتمش اوقلىرى اختلالدن طولاي آخر بر مملكتہ النجا ايدنلر مادام كه جاى قبول بولمقدمه درلر، آرتق آنلره جاني نظريله باقيله من. هيچ بر وقت بر جرم سياسيده بولنان اشخاصه عادى مجرملر حقنده جارى اولان معامله اجرا ايديله من.

لهستان مسئلہ سنده فرانسه به بيكرله ارباب اختلال النجا ايتمش ايدى كه بونلرك هر برى روسيه مأمور لرندن، ضابطه سى افراندن اوچر بشر كشى قتل ايتمش طاقدن ايدى. دهبا يقين و قتلره قدر يارسده (نيهليست) قداييلرى ملتجيسلرندن كچلمزدى. روسيه ضبطيه ناظرينى قتل ايدن مشهور مادمازل پرزه سكيى فرانسه افكار عامه سى قاتل ديه دكل. بالعكس وطنى ظلمه و معينان ظلمه دن قورتارمق ايجون ميدانه آتمش بر لهلى (ژان دارق) اى كى تلقى ايتلشدى.

۱۸۶۳ ده فرانسه ده كى له ملتجيسلرينك رياسته كچمش اولان مشهور چارتورسكى، فرانسه سناؤ سنده جريان ايدن مذاكرات آره سنده مدعى عمومى دولت (موسيو دوپن) اى لهليلر عليهنده خلاف حقيقت اداره لسان ايتمش اولمسلندن طولاي تحقيره لايق كورمش و بناء عليه دوئللو ايتمشدى.

مشهور اميل دوژيراردن دوئللو لر ينك اڭ مملعلىرى ماچچينى طرفدارانى اولان و ناپوليه (جنابات سياسيه) لرندن طولاي غيابة اعدامه محكوم بولسان ياغانى و سالواطوره پللى غريخى ايله ايتمش ايدى. حتى بو پللى غريخى ۱۸۴۸ ده روماده تشكىل ايدن اداره موقته باشنده بولنمش و بر جوق زمانده شهر مرده مظهر حرمت واعزاز اوله رق اقامت ايتلشدر.

متوفى قوشوت، متوفى قونت آندراشى آستريا حكومتى عندينده قتله محكوم برر جاني سياسى دكيديلر؟ اوزمانلر آهنگ دوليده برى و حقوق سياسيه جه ذره قدر دگرى اولميان دولت عثمانيه ايسه، كندى حكومتلىرى عندينده جاني عدايديلان بو وطن پرور لره آغوش حمايتى عرض ايتديكندن طولاي اوروپا اقوام فاضله سنك مظهر تقدير و احترامى اولمش و قريم محاربه سته بو سايله دركه ۳ دولت مشروطه مشاركت ايتلشدر.

اوپرا میدانی حادثه سنک وقوعندن طولانی جداً متأخر . حتی يك وطنك
پر وعداستقبال بر حیتمند کنجیدر . شوقی یکی ایسه نه شخصاً ، نه ده صفت
طایر ز . فقط شوقی بکک ۳۱ مارت حادثه سنه قارشمش اولسی کندنجه صواب
و زلرجه خطا اولان بر اجتهادی نتیجه سی اوله رق غیباً حبس و یا اعدام ایله محکوم
علیه اولمش بولمسی آنی التجا کاهی اولان بر مملکت اجنبیه ده حقوق مدنی هندن
اسقاط ایده من . و هیچ بر وقت ناموس سنز و رذیل عد ایدله من . رذالته اختلاف
سیاست الفاظ مترادفه دن اولسه گر کدر .

فرانسه قومونیس تیرندن موسیو فلورانس ، رسام موسیو نورق ، موسیو
فلیقس بیا ۱۸۷۱ ده پای تخمزه کلمش و مسند صدارتده ، کولکه سندن قورقه جق
قدر خائف سیاست اولان عالی پاشا بولندی حاله یه بولره جانی نظریله باقلامش
و فرانسه سفارتی دخی سس چیقارده مامشدر .

اعتقاد مزجه هر فرقه کندی مخالف اجتهادی اولان فرق سیاسی افر ادینی
رذیل و سفیل و سرسری کی صفتلره توصیف ایتمکدن ایسه اجتهادنده کی سلامت
و اصابتی ماده و فعلاً اثبات ایدرک خصنه منطقله ، حقیقله غلبه ایتلیدر .
مقاله مزده عنوان ایدندیکمز بیتک حکمی بر حقیقت مجربه ترجمه ایدر .
بز مادام که مسلک سیاسته داخل اولدق . اومسلک سابعی اولان هر در لوبلاسی ده چکمه
راضی و متحمل اولمی ز . بو بر یولدر که شامار لامق ، شامار لنق ، اولمک ، اولدیرلمک
لوازم ضروریه سندنر . بویله اوافق تفک عقبه لرینه دکل ، بیوک بیوک بلالرینه ده
کوکس ویرملی ز . کندی اجتهادینک اصابتیه قائل اولان هر صاحب مسلک ،
بشق سینک مسلک کنی ده خوار کور ماملی ، یا خود خوار کوردیکی شخص سندن کله جک
بلایی طبیعی کوره جک قدر جسور اولمیدر .

بووقعه نیک عینی ۱۸۷۲ ده آینه ده جریان ایتمش ایدی . قومون ملتجیلرندن
مشهور (سیریل) یونان پولتیقه جیلرندن برنی طوقا تلامش و دوللو تکلیف ایتشدی .
فقط حریف محکمه یه مراجعت ایدرک : اوراده صوریلان بر سؤاله : (بن اعدامه
محکوم بر شخصله دوللو ایده جک قدر حیثیتی یلرز دکل) جوانی ویرمش و بوسوزی

اوزرینه بدیهی گو اولان سیریل : — بتون ابنای بشر قبل الہیدن اعدامہ محکو مدر .
 بو افندی دوئللو ایتک ایچون جناب حقدن لایموتلر خلق ایتمسنی تمنی ایتلیدر . —
 قوالیلہ خصعتک هیچ بزوقت دوئللو ایدہ میہ جک ارباب جباستدن اولدیغنی آکلاتمشدر .

ابو الضیا

